









* * شرح صلوات مشبهة لاسماعيل حتى * *
 * * بسم الله الرحمن الرحيم * *

هذه صلوة من الصلوات الشريفة الملتزمة
 عند اهل الله كانت وردا ملهما من عند الله تعالى
 على قلب حضرت الشيخ العالم الرباني والعارف
 الصمداني عبد السلام بن مشيش بن الشيخ
 ابي احسن علي بن عبد الجبار الحسني المعروف
 بالشاذلي ذي المتأقب والمفاخر المندوح في الاوائل
 والاواخر قدس الله سره واسرار سائر الاقطاب
 والرجال ومن يليهم من الزكّان والرجال شرحها
 بالتماس بعض الاخوان المؤمنين بهذا الشأن الفقير

سمى الذبيح الشيخ اسمعيل حتى البرسوى ثبته الله
 واقره على الصراط السوي وجعله على لسان التركي
 ليتم نفعه في هذه الديار وان لم يبق في الدار ديار اللهم
 بحرمه حبيبك الاصفي ونبيك المصطفى عليه
 من التحيات ما يحبه ومن التسليمات ما يرضيه اجعل
 افئدة من الناس تهوي الى كعبة هذا الشرح وروضة
 هذا الفتح اذهو خير لي ولهم كما قال عليه الصلوة
 والسلام يا علي لان يهدي الله بك رجلا خيرا لك
 من حرا نعم والله ولي النعم وله الحمد على الارشاد
 الى طريق الرشاد * اولا معلوم اوله ك
 السنة خلايقه دارا واولان صلوات شريفة بي نهايتدر
 زيرا هر موجودك اسم مخصوصي يوزندن حقه توجه
 خاصي وحقيقت محمديه دن حصه سي مقدارى
 روحانيت نبويه انتسايد اختصاصي وارد ركه اول
 توجه حسيه در كاه والاى كبريايه عرض حاجات واول
 مرتبه دن مناجات ايلر واول انتساب روحاني
 واختصاص جناني سبيله بقدر القابلية مدح

و شناسویلد و لکن شیخ سعد الدین جوی قدس سره
 نقلی اوزره اون ایکی ییک صلوات شریفه
 مضبوط در که بعضیسی تعلیم بیغیر علیه الصلوة
 والسلام ایله معلوم اولمش و بعضیسی ساق عرشه
 مکتوب اولدیغی اوزره الواح ملکوتدن اخذ اولمش
 و بعضیسی دخی اهل الله بطریق الالهام کلمشدر
 تفاوتک سرینه شمدی اشارت اولمشدر و اون ایکی ییک
 صلوات شریفه نک شیوع و تخصیصنه وجه بودر که
 قلب انسانه وارد اولان فیض الهی اون بر مرتبه دن
 نزول ایدر که لوح و قلم و عرش و کرسی و سموات سبعدر
 و بوجوهک احدیتی اعتباریله عدد اون ایکی اولور
 و لکن هر مرتبه ده ییک بر عدد اسماء الهیه متجلی
 اولق حسبیه اعداد صلوات متد اوله اون ایکی ییکه
 متفصل اولمشدر پس حقیقت محمديه هر اسمله دائر
 و هر برینک صورتیه ظاهر اولق سیدیه مراتبک
 حقایقنی رعایت و حق تطبیق فضاء عدد مخصوصه
 انحصار لازم کلدی و بوجه دخی بودرکی لا اله الا الله

کلمه سی خطا و رسما اون ایکی عدد حرف اولدیغی کی
 محمد رسول الله کلمه سی دخی بویله در هر حرفک
 مقابله سنده ییک عدد صلوات تعیین اولندی
 زیرا بسط متربک اولسه ادنی مرتبه ایکی جزو دن
 و اعلی مرتبه ییک جزو دن متربک اولور زیرا ییک مراتب
 اعدادک نه ایتدر انکی چون احاد و عشرات و مئات
 و الوف دیر و بوسیدندر که انسان ایچون درت
 مرتبه تعیین اولوب نفس و قلب و روح و سر
 دینلشدر و بوسره اشارت قرآن کریمده کلور و ان
 یوما عند ربک کالف سنة مما تعدون حاصلی بودر که
 حقایق صور اوزرینه میندر معانی الفاظ اوزرینه
 مبنی اولدیغی کی حقایق عالم ملکوتدن و صور عالم
 ملکوتندر ملکوت ملکدن و اسع اولدیغی کی حقایق
 دخی صور دن زیاده در یعنی هر صورته اسماء الهیه
 عدد نجه ییک حقیقت مندر جدر بوسیدندر که
 بر کلامده معانی اول ایله اکتفا ایتزل بلکه قادر
 اولور و اشارت فهم ایلینر معانی ثوانی و ثوالث

بیان ایدر لر و نکانده مزاجه یو قدر دیرلر یو اسرار
مر موزه دخی صلوة آتیه ده مندرج اولان لفظ
اسرارک تختنده مند مجدر فافهم جدا وطن خبر اولا
تسال عن الخبر لمحرره * اولسه معنا یله کوکل مأوف
حرف واحد او اور یاتنده الوف * لفظ واحد مثال
یو غجه در * صدق فاش اولدی ایچنده ملفوف
* (اللهم صل علی من منه انشقت الاسرار) * یا الله
تصلیه ابله اول وجود شریف نبوی اوزرینه که جمیع
اسرار کونیه واسرار الهیه آنک هویتندن منشق
اولمش و ظهوره کلمش و حصول بولشدن زیر تعین
الهیته اولی هویت ذاتیه و آخری کلامدر و تعین
کونینک اولی روح محمدی و آخری نشأة انسانیه در
یعنی جمیع کائنات تعینته مبدأ و منشأ فخر عالمدر
علیه الصلوة والسلام کائناتدن مراد ارواح
واجسامدر و ارواح واجسامک هر بری بر حقیقی
مشتمل و بر سری متضمندر زیرا مظاهر اسماء
وصفاتدر پس یو قدر اسرار که عالم وجود آنی حاویدر

جمله سی ذات نبویه دن انشأ ایتشدر تفصیلی بودر که
فخر عالم صلی الله علیه وسلمک جهت روحانیه و جهت
جسمانیه لری وارد رجعت روحانیه لری خلقتده
جمله دن مقدمدر تکیم حدیثده کلور اول ما خلق الله
روحی پس هر تقدیر اسرار روحانیه و ارایسه جمله سی
روحانیت نبویه دن منشق اولدی زیرا ارواح انبیاء
و اولیا و سائر اول مقدمه به تالیدر آنک چون پیورر کنت
تبیوا آدم بین الماء والظین ای بین العلم والعین و بونبوت
بالفعل نبوتدر سائر نبوت ایسه استجماع شرائط
اوزرینه وقتده مرهوندرو جهت جسمانیه لری گرچه
بحسب الشخص متأخر در تکیم پیورر نحن الاخرون
السابقون ولیکن تعین مطلق حسبیه متقدمدر زیرا
عرش اعلا دن مقدم جسم کلی واردر که
اکاهبولی الكل دیرلر زیرا جمله افلاک و عناصر
وموالیدک مایه سیدر و فخر عالمک صلی الله علیه وسلم
روحانیتی جمله عالم اجسامه کوره ابتدا اول جسم
کلی صورتیه تعین بولشدن پس یو اعتبار ایلله

جهت جسمانی نهاری دخی جمله دن مقدم اولدی
بنا علی هذا عرش وعرشک محیط اولدیغی تقدیراجسام
وار ایسه جمله سنک اسرار ی فخر عالمک جهت
جسمانیه لرن دن منشق اولدی * مع هذا عنصر
مخصوص لریله بو عالم قدوم و بونشاه ده ظهور
ایتمدیکجه جسمانیت عالم حقیقت اوزرینه تمام اولدی
زیرا روح لری روح جامع اولدیغی کبی جسم لری دخی
جسم کامل ایدی انکچون شمائل و حلیه شریفه لری
استجماع و استکمالده سار دن زیاده و بزیغمبر اول
اعتدال اوزره کلما مش ایدی فتبارک الله احسن
الخالقین * پس بو کونک صوره و معنی اسرار ی
جامع و حقایقنه مبدأ اولدیغی کبی عالم الهه کوره
ادخی ذات و صفات و اسماء و افعالک ظهورینه
منشأ و جمیع کالاته مظهر اولدی * و سائر دخی
بو اسرار و حقایقنه آنک یوزندن مطلع اولدیلم
و بونتا یجک صورتی آنک جمال آینه سنده کوردیلر
المحرره * کیم کوردی جمال اسرار ی * کلمه سیدی محمد

عربی * او وجود شریف قدر حقا * کنت کزک ظهورینک
سبی * بعد ذال اسرار نامه الهی اوجد ربری نسخه
آفاق و بری نسخه نفس و بری نسخه قرآن درو بواج
نسخه نک مبدی نسخه حقایق رحماندر کتب اربعه
الهییه بودرت نسخه به اشارتدر عارف بالله اولنلر
ترتیب اوزرینه بو نسخه لری اوقورلر و حقایقنه مطلع
اولورلر سؤال اولورسه که شیخ مصلی هویت پیغمبری
علیه الصلوات والسلام مبداء انشقاق اسرار قیلدی
قرآنی قیلدی مع هذا جمیع اسرارک مرجعی قرآندر
جواب بودر که قرآن بحسب الظاهر مصحف قولی
ورسول الله صلی الله علیه وسلم مصحف فعلیدر
قول ایسه فعل اوزرینه منوطدر انکچون قرآنده کلور
زل به الروح الامین هلی قلبک یعنی قلب نبوی علیه
الصلوة والسلام محل نزول قرآن قولیدر اگر بو قلب
اولمشه کیمسه قرآن و اسرار قرآن و فرقان نبد و کن
بیلزدی پس قلب نبوی محل انشقاق اسرار اولمغه
مخصوص اولدی بومقوله مقاماتده قلب و هویت

برادر زیرا مقصود تعینی بیاند پس اجمالده محل
 انشقاق هویت پیغمبر صلی الله علیه وسلم و تفصیلده
 عالم آفاق و انفس و حقیقتده هویت حق در فافهم
 جدا و امش علی المراتب تجد المطالب المحرره * روضه
 اسرار در بو عالم هر ده هزار * سر عالم جو ایسک
 عشق ایله زار اول چون هزار * (و انفلقت الانوار) *
 و جمیع انوار آنک ذاتندن منقلب اولدی و ظهوره
 کلدی کرک انوار ظاهره اولسون انوار شمس و قمر
 و نجوم نیره و سائر منیرات کبی و کرک انوار باطنه اولسون
 نور روح و نور قوی و نور عقل و نور ایمان و نور
 ایقان و نور قران و انوار تجلیات و سائر اواع کبی تکیم
 حدیث شریفده **ک**لور اول ما خلق الله نوری
 و قرانده کاور قد جاءکم من الله نور و علویاته نور انیات
 دیدیلر زیرا اختراعه قریبدر بو سببند که
 اول اولاد بحسب الغالب نکاح صحیح اوزرینه تولد
 اتمکله نورانی اولور و فخر عالمک صلی الله علیه وسلم

نورندن اقدم مخلوق اولما مق حسبیه نور اسمایزاده
 مختص اولدی رب العالمین جل و علی کند و ذاتنه
 نور اطلاق ایتدو کی تکیم نظم مبینده کور *
 الله نور السموات و الارض فخر عالمه صلی الله علیه
 وسلم دخی نور دیدی زیرا هم اقدمیتی و هم مظهریتی
 و ارایدی و بوتقیریدن فخر عالم صلی الله علیه وسلم
 افضل المخلوقات اولمق لازم کلدی زیرا معدن انوار
 اولان نور کلی اندن مستفاد اولان انوار جزئیه دن
 احسن و اعلا در شمس ایله نیرات **ک**بی سوال
 اولور **س**ه **ک**ه تفسیر و سبباده کور که حسن
 روی یوسف علیه السلام نور کر سیدن و حسن جمال
 محمدی علیه الصلوٰة والسلام نور عرشیدن مستفاد در
 مع هذا عرش و آنک حاوی اولدیغی جمیع اجسام و انوار
 نور نبیدن علیه الصلوٰة والسلام خلق اولمشدر
 پس نور نبوی نور عرشیدن مأخوذ در دیمک تعکسدر
 جواب بودر که عرش اعلی آنک نور ذاتندن خلق
 اولمشدر و اکن نور صفاتی نور صفات عرشیدن

اخذ اولمش در پس نشاء عنصریه لری حسبیه
 نور صفات محمدی صلی الله علیه وسلم نور صفات
 عرشدن مأخوذ اولمغه مانع بو قدر زبرا جاز در که
 صفات عرشه نور زائی عارض اوله مع هذا
 عرشدن مأخوذ اولان نور فی الحقیقه کند و نور لیدر
 زیر اعرش اول نور زائی فخر عالمک صلی الله علیه وسلم
 ظهورندن و حقک اکاتجلیات متنوعه سندن بولدی
 شویله که اگر فخر عالم صلی الله علیه وسلم بونشاهیه
 تنزاده دورا طوار و منازل ایدر کن مرتبه عرشده تعین
 بولمسه لردی عرش اول نوری قنده بولوردی الحاصل
 فخر عالم صلی الله علیه وسلم اخذ ایتدوکی نور کندی
 امانتیدر خار جدن نور بو قدر بیت ناشدی ظاهر باین
 حسن و جمال ارباب دین * متفق کشند در تنفیذ
 انسان بر ملک * و فخر عالمه صلی الله علیه وسلم قرآنده
 سراج منیر بیوردی زیرا پوشیده اولان حقایق
 مقتبسان انوار معرفته آنکه روشن اولور و بونور در که
 بو قدر افاضه ایله ذره سی اکسملز و شعله سی کسملز

یعنی علوم شریعت و فوائد طریقت و انوار معرفت
 و اسرار حقیقت علماء امته آنکه ظاهر اولوب
 فخر عالمه صلی الله علیه وسلم بینه بحالهادر نور
 سراج کبی هر جانبیدن مضبدر تکیم
 و جعلی نور اکاد لالت ایدر بوسیدندر که
 نمازده ماوراده اولانی معاینه ایدر لردی زیراجیع
 جهات چشم اولمشیدی بحرره * چونکه بر در یانکده
 جمله جهات * هر یانکدن کور رسن آفانی * سنی کور
 سون سنی جهان ابجره * ایستین سر نور خلاقی * و فخر
 عالم صلی الله علیه وسلم خصوص اوزرینه ایکی نور
 حقیقی سی و ارایدی بری نور نبوت و بری نور ولایت ایدی
 و داع عالم فانی قلند قلرنده نور نبوتک ظاهره متعلق
 اولان مرتبه می شریعت مطهره ده قالدی بو معنا
 حالا فخر عالم صلی الله علیه وسلم امت مرحومه سی
 آرا سنده در آنکچون بنی آخر کلمز زیر اکندی حی
 و شریعتی باقیدر و باطنه متعلق اولان مرتبه سی
 حقیقت محمدیه ایله در تکیم بالاده اشارت اولندی

و نور ولایت که باطن نبوت در حضرت قطب الاقطاب
قدس سره ایله دور ایدر اگر چه قطب بدن غیر
اولیا چو قدر و لکن جله نك انواری بو نور دن
مستفاد در زیر اقطاب واسطه فیض در بحر
طوته کور عشق پاک ایله بر کار * ایله اولیای هم انکار
ایلر انکار آدمی مردود * طور انکار ایله دلی زنکار
سوال اولور سه که خبر ده کلور که
علماء هذه الامه که انبیاء بنی اسرائیل
معنای علی احدا لوجه دیگر که امم سالف نك
اولیای انبیاس نندن و انبیاسی دخی فخر عالم
صلی الله علیه وسلم دن اخذ ایدر لدی قاما بو امت
من حومه نك اولیای بالذات مشکوت نبوت دن
اخذ ایدوب بو معناده انبیاء بنی اسرائیل ایله مشترک
اولور و اولیاء متقدمین اوزرینه بونکله فضیلت
ورحمان بولور پس نتیجه اولیا باطن قطب بدن
اخذ ایدر جواب بودر که مقصود بالذات قطب نك
مشکوت نبوت دن اخذ ایدر و بردخی اولیا باطن قطب بدن

اخذ ایتک مشکوت نبوت دن اخذ ایتک حکمنده در
زیر اقطاب باطن نبوت ده فنا بولم شد در بعضی رینه که
خاتم اولیای در مراتب ولایتده بر مرتبه کلیه یه
مظهر اولیای اعتبار ایله در والا خاتم الانبیا والا اولیا
فخر عالم در صلی الله علیه وسلم زیرا نبوت و ولایت
آنده ظهور ایتدو کی کیمسه ده ظهور ایتما مشدر قمر
بدی تی کیدر سائر ظهورات آنک تفصیلیدر انکچون
و اینک کرامتی نیک معجزه سیدر زیرا ولی مظهر در
حکم ظاهر کدر مظهر کدکدر انکچون دعوا
ممنوع و مذموم در لازم اولان کمال ظهور ایتد کده
مظهر رینه حد و ثنادر بزه اول شرف پسر که سلطان
خانه مزه نزول ایلیه و بوندن فهم اولندیکه نور نبوی
نور اصلی و نور اولیا نور فرعیدر تکیم شمس و قمر ده
مشاهد در یعنی نور شمس ذاتی و نور قمر عارضیدر زیرا
عکس در عکس ایشه اصلی کی دکلدر والا یا مساوات
و یا مزیت لازم کلور و بوسره اشارت محمدیه ده کلور
اگر اسمن اوقود کسه مسما سن طلب ایله * بوجه ده

ایسته کل آنی که صورت عکسیدر ادنی * و بود کراولنان
 انوار معنویه به غروب و افول یوقدر زیر الایل
 ولانها را عالمند و بوسره اشاره حضرت ابراهیم
 صلوات الله علی نبینا وعلیهن بطریق الحکایه
 قرآنده کلاور * لا احب لافلین * تحقیقی بود که
 انسانده نور کوکب قلب و نور قرروح و نور شمس
 سروارد در واکن بونلرک تجلیاتی دائم دکلر کوکب
 و قر و شمسک ظهوری دائم اولمدیغی کبی
 بوجهتند رصکه فلاسفه و رهائنه مک کشوف
 و ادراکاته اعتبار یوقدر زیرا مراتب مقیده دن حاصل
 اولمشدر معتبر اولان اطلاق اوزرینه اولان تجلی حقدر
 زیرا اولوقتده نفسانی اولان ذات وصفات و افعال
 فنا بولوب حقایق اولان ذات وصفات و افعالک
 انواری ظهور ایدر و بوانواره ابدی فنا کلر بوسیدن
 حدیث شریفده کلور ینام عینای ولاینام قلبی یعنی
 نور ظاهرك غروبیدن نور باطنک غروبی لازم کلر
 غروب ایدن نور باطن دخی تجلی ذاتیدن ماعداسیدر

آنکچون کل اولیا بو تجلی به واصل اولدجه مسترح
 اولمز لرو بر مقامده قرار قلمزل لمحرره * ایسترایسک تجلی
 انوار * وارسندن فنا بوله کور وار * بو فنایه ایرشمنکه
 بر دم * دائما حضرت حقه بلوار * (وفیه ارتقت
 الحقایق) * ارتساق التیام معناسنه در ارتقت
 اولور ایسه افعال یابندن همزه صیوررت ایچوند رصارت
 رتقا معنا سنه رتق فتقک ضدیدر یعنی جمیع حقایق
 آنک هویتنده مرتق یعنی مجتمع و ملتئم اولدی معلوم
 اوله که حقایق ایکیدر بری حقایق کونیه بری حقایق
 الهیه در حقایق کونیه ارواح و اجسامک حقایق
 و حقایق الهیه ذات وصفات و افعال و اسمائک
 دقایقیدر بو حقایق مطلقا منکشف اولدجه ولایت
 داره سنه قدم بصمیر زیرا سنت الهیه بونک اوزرینه
 در که سالك حق اولا عوالم سیرانیه نک حقایق
 مکاشفه ایدوب نایا ولایت ایله متحقق اولور و عرق
 نبوت منقطع اولدینسه درجه نبوته دخی قدم بصمیر
 شمدی که عرق نبوت منقطع اولمشدر ولایت ایله
 نبوتک پیئنده بر پرده وارددر که وجهه تا مدین نزول

و حیدر و والا وجه خاصه در الهام مقرر در
 و مکاشفه به اشارت طریق به قرآنده کلور و کذلک نری
 ابراهیم ملکوت السموات و الارض ملکوتدن
 مراد بواطن و حقایق و اسرار در یعنی نفس و آفاده
 ملکوت اجرام علوی و سفلیه و بواطن هیات کل
 و تدویرات و اسرار کرات و مولاتی سکا اراثت
 ایتد و کز کبی سندن اول مظهر توحید ذات اولان
 چدک خلیله دخی اراثت ایتدک بوندن مقصود اراعتی
 اراثته تشبیه در رؤیتی رؤیت تشبیه کبی نتکیم حدیث
 شریفده کلور انکم سترون ربکم کما ترون القمر ایله
 البدر مع هذا امر فی شهودده تفاوت وارد در
 زیرا فخر عالمک شهودی اکملیت وجهی اوزرینه در
 و انبیا علیهم السلام آرا سنده بعضی مراتبه تفاضل
 اولدیغی کبی اولیا آرا سنده دخی تفاوت وارد در
 الحاصل فخر عالمک صلی الله علیه وسلم ذاتی بر نسخه
 الهیه در که حروف شئون و کلمات اعیان و آیات حقایق
 ارواحیه و مثالیه و سور صور حسیه بی جامع در

و کذلک

و کذلک حروف اسماء ذاتیه و کلمات اسماء صفاتیه
 و آیات اسماء افعالیه و سور اسماء آثاریه بی محیط در
 اول کبسی کتاب وجود ظلمتک اسرار و ایکنجیسی
 کتاب وجود حقیقتک حقایقیدر و بوهویت مرتبه
 سنده اولان علوم فاضله و حقایق شریفه بی
 وجودینی شریک جلی و خفیدن توحید عینی و تجرید
 حقیقی و تفرید حتی ایله تطهیر ایدن مس ایدر نتکیم
 قرآنده کلور لا یمسه الا المطهرون و بوحقایقه
 شرایع و امم و ازمنه کاختلافیه تبدل و تغیر کلمزیرا
 حقیقت دیندرو قرآنده کلور ان الدین عند الله
 الاسلام یعنی حضرت آدم دن غایتیه دك اصول
 دینده اتحاد اولدیغی کبی حقایقه دخی اتحاد
 وار در انکچون حقایقه نسخ طاری اولمزیرا
 برنسنه که بالذات در با لغیر ائله اولمز و انسان ایله
 بوحقایق آرا سنده اولان مناسبت کل ایله اجزا آرا سنده
 اولان مناسبت قبیلنددر انسان ایله اعضا آرا سنده
 اولان مناسبت کبی یوخسه کالی ایله جزئیات آرا سنده

اولان مناسبت دکل انسان ايله افراداراسنده اولان مناسبت کبی پس انسانده جمعیت اجزا اولدیغی کبی جمعیت حقایق دخی وارد رزیر اول حقایق انک ذاتندن خارج دکل ايس من الله بمنکران یجمع العالم فی واحد محرره کیمک که اوله ذاتنده حقایق * اولور افران ایچنده مرد فائق * او او پدر نافه مشکبیه آهو * کوره عالمده مر غوب خلایق * (و تنزلات علوم آدم) * آدمه مراد جنس انساندر تقدیر کلام وفی قلبه تنزلات العلوم العزیزه الخ صیفة بالانسان دیکدر تنزل فی کلمه سینه استعمل اولندیغی علومک قلبده رسوخنه دالدر وانسان راسخ فی العلم اولدیغیته معلومک حقیقته وصول بولمز وقلبه شفا واطمینان کلز یعنی جنس انسانه متلبس وخصیص اولان علوم حقیقه انک قلبه تنزل ایلدی تنکیم حدیثده کاور فعلت علوم الاولین والاخرین وبرروایته فاورثی علم الاولین والاخرین و علمنی علوم ما شتی وارد اولمشدر یعنی علوم اولین و اخرینی تعلیمدن

مکره علوم زانده دخی تعلیم ایلدی بوندن ظاهر اولدیکه فخر عالم صلی الله علیه وسلم علمده جمله انبیا واولیا اوزرینه تفوق ایلدی انکچون حقیقه یورادی وکان فضل الله علیک عظیما زیراعلم جمیع ملکاتده فاضل اولیحق امتسانانی تفضیل ايله دروجا زدر که آدم ايله مراد ابو البشر اوله یعنی علوم آدم علیه الصلوة والسلام انک شاننده تنزل ایلدی زیرا آدم ومن دونه مقدمات وفخر عالم صلی الله علیه وسلم نتیجه وغایتدر انکچون هرکس اول علمی استعدادی قدر فهم ایلدی وفخر عالمده صلی الله علیه وسلم اکلیت وجهی اوزرینه ظاهر اولدی وقرآنده کاور و علم آدم الاسماء بو آدم ايله مراد ظاهرده آدم صوریدر که ابو البشر درو حقیقته آدم حقیقیدر که عقل اول ايله نسیمه اولسان روح مجیددر پس آدم ثانیدک حقیقتندن مقدم آدم اول اسماء و تعیناتی دورایدکن جمله نک حقیقته مطلع اولمش وهر برنک اسمیه

تسمی ایتشیدی پس آبت مذکوره ده اسمادن مراد
اسماء مجردة دکلدر بلکه اسماء و مسمیات و حقایق
مجموعه در خصوص صوفیه قتنده اسم تعین معناسنه
در و متعیندن مراد انک حقیقتی در تکیم حدیثه کاور
رب انا الاشياء كما هي پس بر آنکه مثلا اسم
غنی بیلد کدن صکره لوتی دخی بیلک کر کدر که
ایض و یا سود در اندن سماعه صوتی و شمیله ریخی
و طعمه ذوقی و لمسله این و خوشونتنی ادراک ایلر
اندن اخلاق و خواص و منافع و مضارینی معرفته
انتقال ایدر اندن بونلرک و راستننده اولان
حقیقتی ادر که تجاوز ایدر پس بر غمک حالی بویله
اولیجق جمیع اشیا دخی بو کاقیاس اوانه و جمیع اشیا انک
حقایقنی اجمالا و تفصیلا درک ایدن نه مرتبه یه قدم
بصمق کر کدر ملاحظه اوانه و اول که عقاید کابنده
حقایق الاشياء ثابتة و العلم بها متحقق دینلشد
علماء ظاهر دیر لر که مقصود جنس حقایقه علمدر
زیرا هر برینه علم تعلق ایتماشدر فاما جوابی آساندر

زیرا جمیع اشیا انک حقایقنی فرد واحد بیلک کفایت ایدر
خصوصا بو قدر کل اولیا بطریق المکاشفه بیلشدر
وقاصر لر نیجه علوم غریبه تعلیم ایلشدر بو اشیا انک
حقایقنه علم تعلق ایتمسه خلقتی عبث اولور حکیم
الهی بدن ایسه عبث نسنه صادر اولور انک چون اوائل
سورده اولان مقطعاتک حقایقنی اهل الله کشف
ایله معلوم اولمشدر آنی تنزیل بالکز ایمان ایچوند ر
دیمکده قصور وارد رولکن حقایقنی افشایه مأذون
اولماق حسیله ستر ایدر لر و لوازمی بیان ایله
اکتفا ایلر لر زیر اسلطان المفسرین و ترجمان القرآن
یورمشدر **که** ابهم و اما ابهم الله و فصلوا
ما فصل الله پس ابهام اولنقدن بطلانی لازم کلر
بلکه قاصر لر ی صیانت ایچون ابهام اولور و حدیثه
کلوزان للقران ظهر او بطننا پس قرآنک مد اول
ظاهر یسنی علمای تفسیر و مدلول باطنی اهل تحقیق
تأویل ایتدوکیدر و لکن مؤل اولان کتاب وسنه
موافق کر کدر زیرا دیمشدر که حقیقت **که** کتاب

و بستن اکا یکی شاهد او ایله الحاد و زندقه مقوله
 سید زریرا قرأ نده کاور و لا رطب و لا یابس الا فی
 کتاب مبین باطنیه طائفه سنک مر دود اولدیغی
 ظواهر قرآنی ردایدوب بواطنی دخی کندی هواری
 اوزرینه حل ابتد کلرند ندر سوال اولور سه که انبیا
 علیهم السلام لسان باطن ایله نیچون تکلم ابتدیلر
 جواب بودر که عوام و خواصک مجموعنه مبعوث
 اولغله بحسب الظاهر خطابی تعمیم ایدوب بحسب
 الباطن تلویحات ایله اکتفا ایلدیلر زیرا دیمشلددر که
 لا یناع الابل فی سوق الدجاج و هجرت
 نبویه دن التیوز تار یخنه کلجه خواص امتک لسانه
 کتوردیکی رموز مقوله سی ایدی زیرا شرح و تفصیله
 مأذون دکلملر ایدی صکره اکبر ورثه دن نیچمدلر بحسب
 الاقتضا مأذون اولوب بواسانده کابلر تألیف ایلدیلر
 بویه ایکن ینه فهمنده صعوبت وارد زریرا مذاق
 لازمدر کیمیا علمی کی که نقدر اظهار اولنسه حیرت افزا
 اولور بو سیدن دیمشلددر که که خذ ما صفادع

ما کدرود ینلمشدی دع ما یریک الی ما لایر یک
 زیرا عقله کنجا یشدن دور اولان نسنه زهر قاتل و سم
 هلاهل کیدر پس انکارده عجله ایتیوب اکا بردن
 صا در اولان کلامه محمل صحیح تتبع ایتک کر کدر
 هیچ اولمز سه باری اربابی ییلوردیو اهلنه احاله لازمدر
 واحیاء العلوم مده بعض عارفیندن نقل طریقیه
 کاور که برکنه نک بو علم و هیبدن نصیبی اولنسه سوء
 خاتمهدن خوف اولور العیاذ بالله واد نای نصیب
 بو علمی تصدیق و اهلنی تسلیمدر اهلنی بملکته ایسه
 زیاده صعوبت وارد زریرا عامه ناس شمعی کرامت
 اهلی آرلر کرامت کونیه ایسه ولایته شرط دکلددر
 شرط اولان کرامت علیه در که ذکر اولنان حقایقه
 متعلقدر و نیجه لردخی حقیقت دیو سویلرل و یازرلر
 آنی دخی تشخیص ایتک زیاده کو جدر صراط
 مستقیم اهتدا عقل سلمی و طبع مستقیم و ذوق
 صحیحی اولنله مخصوصدر هر علم هدی و هر حال
 طریق اوزرینه دکلددر طرق ضلالت چوقدر

مراتب اربعه ده اهل سنت و جماعت مذهبی
اوزرینه اولان قتی نادر در که فرقه ناجیه اولان
بونلردر بحزره بولمچمه سالک قهردن نجات * لطف
یوزندن بوله می درجات * بعد ذاعلومی آمده نسبت
ایلمدی زیرا انسان مظهر تامدنیست تکیم حدیثده کلور
ان الله خلق آدم فتجلی فیہ ای جمیع اسمائه
الجلالیه والجلالیة ملک ایسه حقیقت بسیطه یعنی
بالکثر جماله و جن یالکثر جلاله مظهر در و بوسر
اشاره حدیث شریفده کلور اللهم اغنی
بالافتقار الیک افتقادن مراد جمیع اسماء الالهیه
نک یوزندن حقه انتسابدر بومعنی ایسه کمال اوزره
فخر عالمه صلی الله علیه وسلم مپسر اولمشدر زیرا
حقیقت محمدیه واسم اعظم بر در جمیع اسماء ایسه
اسم اعظمک تحت حیطة سنده در پس ملکده ترقی
یوقدر خلقتی رفعی اولدیغی کی علمی دخی رفیعدر
مکرکیم نادر اوله تکیم حضرت آدمک تعلیم ایلمدیکی
اسماء ایله ترقی بوا دیلر انسانده ایسه ابدی ترقی واردر

زیرا خلقده اطوار مختلفه اوزرینه تدریجه کادوکی
کی تکیم قرآنده مواضع کثیرده مصرحه در
علمده دخی تدریج اوزرینه در انکچون دیمشدر در سیر
فی اللهیه نهایت یوقدر یعنی انسانک سیرینه دنیا
و آخرتده نهایت کلز بلکه دائم ازدیاد اوزرینه در زیرا
تجلیات متنوعه دن علم دخی متنوع اولور و لکن
مقاماته نهایت وار در بر پادشاهک اولکه سی
مضبوط و ممالکی محدود ایکن تنوعات احوالده نهایت
یوقدر و بومقامدن مولانا قدس سره بیورر ای برادر
بی نهایت در که هست * و بومعنایه اشاره تنزل تفعل
صیغه سی اوزرینه ایراد اولندی زهی علم شریفکه
ملک اکار شک ایلیم و هدایی قدس سره کلماتده کلور
بر اوز که علمه عالم اول ملک آنی بیلز اوله حضرت آدمک
ارضه هبوطی بو علم ایچون ایدیکه ظهوری عشق
اوزرینه مینی و عشق دخی درد اوزرینه موقوفدر
جنتده ایسه درد و بلا اولمز بونک نظیری ند ماء
سلطاندر زیرا بونلرده ایالت بکلی کی وقوف و تجربه

یو قدر پس قلعه محافظتری ند ما دن اکل و خدمت
 اهلی معطلدن افضل در قطیته تنزل وارد در
 دیدکاری معنای لغویسنه مجاولد مقصود مرتبه
 خدمته تنزلدر انکچون انبیا و اهل اولیاء مقام خدمته
 مقامات شدا ند ایشا لدر و قرانده کماور
 سبحان الذی اسری بعبدہ یعنی انسان
 اسراء مرکب و اسراء بسیطی عبودیتده بو اور که
 خدمتدر زیر عبدک مولا اولدیخی یو قدر و بوسیدن
 مجانینه اعتبار یوق در زیر اوزرلندن قلم مرتفعدر
 و سکر اهلی دخی صحوا هلمنه کوره پست پایه در زیر
 سکر جنتون کیدر انکچون سکر غاب اهلی
 مملوب العقل والاختیار او اوب بعض تکالیف
 شرعیه بی اقامت ایده منزل مثلاً حال جزیه ده سا قف
 او اوب افاقت بوانجه نمازه قیام ایده مز و کیمینک
 سکری اون کون ممتدا و اور بحر شرف علم ادبی
 یله کوره * خدمت دین مبینی قیله کوره * دیرایشک
 ظاهر اوله نور خدا * ماسوا کردینی دلدن سیله کوره

* (فا عجز الخلاق یق) * ظاهر اولان بودر که فانک
 سببیتی یا لکن تنزل علومه کوره در یعنی تنزل علوم
 و خصوصاً تنزل قرآن سببیه جمیع خلایقی اعجاز
 ایلدی یعنی عاجز قویدی و کیمسه علمده مطلقاً انکله
 مناظره و مباحثه یه قادرا و ایلدی ظاهری اهل ظاهره
 دایل و باطنی اهل حقیقه برهان اولدی و علمندن
 قطع نظر لسان مبارکنده اولان فصاحت و بلاغه
 دخی کیمسه مظهر اولدی انکچون حضرت عمر
 رضی الله عنه سؤال ایدوب یابی الله مالک افصحنا
 دیدکده فخر عالم صلی الله علیه وسلم بیوردیلر که
 جاءنی جبریل فلقننی لغة ابی اسمعیل و دیمشدر
 در که تقدیر کالات بشریه و ارا یسه قو لی
 و فعلی و خلقی و خلقی و دنیوی و اخروی جمله سی
 فخر عالمک صلی الله علیه وسلم کالات جامع سندندر
 انکچون هر فصیح و بلیغه جواب و پر و هر مقامک
 مشکلان حل ایدر و کما تبهره رسم خطی تعلیم ایلر
 و ارباب خرفته علوم حرفندن چوق شیء تعلیم

پورر دی بوسیدن جمله خلق انک علمه زیون
 و کانه مسخر اولدی بو علمک سببیه در که ایله
 معراجده جمله مقامات انبیای کذر ایلدی
 و موسی علیه السلام غیرتدن اغلادی و جبریل
 علیه السلام انک سیرندن عاجز قالدی و کل امت دخی
 بقدر الاستعداد بومعنایه وارث اولدیلر انک چون
 بعضی بشرانده وارد اولدیغی اوزره امام غزالی
 قدس سره حضرت موسی علیه السلامه جواب
 ویردی و نیجه سی ارواح سلفه ترقی کوسستردی
 و بعضیلرینک قبرده جوابی فهم اولغیوب منکرین
 عاجز او متخیر ارجوع ایلدی زیرا بونلرک علوم
 لدقی مقوله سیدر و اول مرتبه مک لفظ و معناسی
 شامل استرسالات و تنزلات ربانی فی عقل درک ایده من
 و شعور و ادراک بونلرک کتدوی یوله کیده من بوندن
 فهم اولاندیکه علومده تفاوت وارد اگر چه که هر علم
 صحیح نفسنده کمالدر یعنی نقصان و کمال بری برینه
 اضافله در بومعنی ایسه نفس الامر کالدرینی منافی

دکدر تکیم وزارت کمالدر اگر چه که سلطنته کوره
 نقصاندر فافهم جدا ولا تسکن من اهل الجرح
 المطلق فانه لبس بمرضی عند رب الفلق فاما
 اولکه دیرل علم حجابدر و عارف بالله او قوم
 یازمق نیلر و درس علومه اشتغال بعد حقه سبب
 اولور بونلر بونلرک امثالی ما ولدر اهل طعنک و قائل
 جاهلک فهم ایتدوی کی دکدر زیرا جمله اوزرینه
 علم حالک و جوی متفق علیه در تکیم حدیث شریفده
 کلور طلب العلم فریضة علی کل مسلم برکوی طریقت
 نا کاینده جهلانک حانی مطلقا صوفیه ید اسناد
 ایدوب عموم اوزرینه تخطئه قلدیغی خطا در
 زیرا هر فریقت مقلدی و محقق و بلکه دومی و کافری
 اولور فسق و فجور و الحاد و زندقه اسکیدر هر اقراره
 برانکار هر ایمانه بر زنا و هر نوره بر نار و هر کله بر خار
 توأم اولدیغی شمدیمی بیلنشدر * کنج و مار و کل
 و خار و غم و شادی بهمست * پس علماء رسوم آرا سنده
 نیجه فاسق و فاجر بلکه نیجه کافر و اربکن آنلرک

هالك حجاب اولدیغی
 رینه کوره در تکیم علمای
 رسومک اکثری خطاء علوم
 رسمیه و اعتبار حرکات
 فسق ایله حقایقندن محروم
 اولمشدر فاما بعض کلدن
 اولمشدر که بو عبارتله پیور
 منقو ایدر که لایحه صی عدد
 فی زماننا قوم الجاهل بمقام
 هم غلب علیهم الاله و احقی
 العلم و لعبت بهم الا هو احقی
 قالوا ان الله حجاب و لقد صد
 قوا فی ذلك او اعتقدوا ای
 والله حجاب عظیم بحجب
 القلب عن الجاهل و اضداد
 دفا امر فهمان صفة

اعتقادات سیئه و اعمال قبیحه سنه نظر ایدوب
سائر علماء سنتی جرح و طعن ایتک جائز اولمدیغی
کبی متصوفه ارا سنده دخی نیجه ملحد و زندیق و زایغ
و ضاله باقوب سائر علماء باللهه اطاله ایتک درست
دکدر زیراساری دکدر بلکه هرکس کندی علمینه
مرهوندربو مقامک تفصیلی وارد در حقیقتنه و قوفه
علم نافع و کشف جامع کر کدر نعوذ بالله من ان اکون
مظا هر قهره لمحرره صمه کیم عالمده هر بر آدمی
انسان اولور * کیمسی انسان اولور سه کیمسی شیطان
اولور * (وله تضائلت الفهوم فلم یدرک که مناسابق
ولا لاحق) * وانک ادر اکیچون فهوم خواص
وعوام تضائل ایلدی یعنی ضعیف و حقیر و عاجز
اولدی پس بزدن کسه آنی کناهی اوزرینه ادراک
ایتمدی نه سابق که امتک مقدم لری ونه لاحق که
مؤخر لری در تکیم مجذبه ده کلور کیمسه بیلزدی که
اول نه شاه ایدی * و بردخی سابق ایله مراد ابراردز
و بردخی سابق ایله مراد فضل ایله سلفی سبق ایدن

ولاحق

ولاحق ایله مراد علمده سلفه لاحق اولاندرو بردخی
سابق روح و لاحق قلبدز زیر اقلب روحله جسدک
ازدواجندن حاصل اولمشدر پس روح و جسد پدر
و مادر کبی مقدم و قلب فرزند کبی مؤخر در و بودخی
جائز در که سابق ایله مراد اتم سالفه و بلکه
انبیاء ماضیه و لاحق ایله مراد امت مرحومه و بلکه
اولیا اوله یعنی حقیقت اوزرینه آنی نه انبیاء و نه اتمک
خواص و عوامی بیلدی زیر ادر ایشلردز که علوم اولیا
علوم انبیادن یدی دریادن قطره کبیدز و علوم
انبیاء علیهم السلام دخی فخر عالمک صلی الله علیه
وسلم علمندن بحار سبعه دن قطره کبیدز پس
برسنه نیک که حقیقتی ادراکدن اکل ناس عاجز اوله
سائر ناقص لرنو جهله ادراک ایدرلر انکیچون منادی
یعنی ضمیر کل بشردن کایه در و بوندن ملک ادراک
ایتمک لازم کلز زیر افاضل بیلدوکنی مفضول نه بیلور
بو مقامک تحقیقی بودر که انسان کامل موطن
کونینده اولدجه معروف و مدر کدر فخر عالم عزت

و جبروته قدم باصوب و ادخلی جنتی مقابله سنده
اشارت اولنان جنت مضافه به دخول ایلسه جمیع
خلقك نظری اندن منقطع اولور و عالم غیبیه
مستجن اولوب قالور جسده و آثاره باقوب یلندی
و کوزندی قیاس اولور مع هذا فی الحقیقه مجهول
و غیر مدرك در بوتك نظیری سلطاندن زیر اساطینك
سترای بر قاج طبقه در پس سلطان سرائك خارجنده
اولد جسه كه عالم اثار در مشاهد اولور خارج
سترایدن دخول ایتد كده عوامك نظری کیلور
و داخلینه دخول ایتد كده خواصك دخی نظری کیلور
و تختنه جلوس ایتد و کی خالده اولان سلطنت ذوقنی
جالسیدن غیری ادراك ایلز اگر چه علم یوزندن اطوار
یلور و جمیع مقاماته دخول حاصل اولور و لكن علمه
قدم مقارن اولماد جقه معلوم اولان مطاوبك اواز میدر
حقایق دكلدر پس مطلقا انسان كامل ادراك
و انحق مشكل اولیحق مظهر اسم اعظم اولوب مقام
اودانده متمكن اولان فخر عالم صلی الله علیه و سلم
نیجه ادراك اولور بو معنایه اشارتا جنت عدنده

وسيله مقامنده ساكن اولور زیر وسيلهك فوقنده
مقام یوقدر و شجره طوباك محمدی المقام اولدیغتك
سری دخی بودر دیمشك حق بیلكدن انسان كاملی
بلك صعبدر زیر حق تعالی جمال و جلال و نهایت
كالیله معروفدر بشرایسه منشا بهاتندركه وجود
حقیقی و وجود اضافی طرفلرینه ناظر در پس سایه به
نظر ایدن نور شمسدن محروم اولور و سایهك وجودی
كشیف اولمادله عامهك نظری اكادر كورمر
مپسن كه بر كچسه بر پنجره دلو كندن طشمره پرئسنه
القایتنه رمی طریقله اول رمی اولان نسنه بحسب
الغالب پنجرهك آغاچنه و یا تیمورینه اصابت ایدر
زیرا آغاج و تیمور محسوساتدن و رونه ارالغی هوا
مطلقندر محسوسات ایله الفت ایلسه غالبدر پس رمی
هوا مطلق جا ننده رمی ایتدم صانور بویه اولسه
اصابت ایدردی و لكن غلبه حس ایله خطا ایلدی
انكجون بر ظاهر دن باطنه عدول و صورتدن معنایه
انتقاله قتی كو جلك واردور بوسره اشاره بعضی كلمات

بکارده کلور اولسانک کوکلندن شیتا للهی کسمه کیم
 سکا همت ایدن اول کوز ايله قاشی دکل بوندن هر ار
 نظری ظاهره قصردن تحذیر در کفارک خذلانی
 و ارباب انکارک حرمانی هب بوجهتندرنه و ذبالله تعالی
 لمحرره نیجه یلمسون حق باقی جاهل * نیجه کورسون
 بو خالی اعمی * کهنی کیم یلمور مسمانک * گرچه
 دللرده سو یلمور اسماء * (فریاض المملکوت بزهر جماله
 مؤثقه) * مملکوت عالم ملائکده و عالم ارواحه شاملدر
 و هر نسنه نک باطنه مملکوت دیرلر مثلا نفس ناطقه
 مملکوتدندرانکچون آخر یسن ده فسبحان الذی
 یسده مملکوت کل شیء یسور یسدر یعنی
 هر نسنه نک باطنی و روحی قبضه قدر تنده در بونده
 مملکوتی ریاضه و جمال نبوتی شکوفه به تشبیه واردر
 ریاضتک ایناقی یعنی خوشلیغی شکوفه ايله اولدیغی کی
 مملکوتک خوشلیغی دخی جمال محمدی صلی الله
 علیه وسلم ايله در حقیقتی بودن که مملکوت الفاظ
 و جمال محمدی صلی الله علیه وسلم معنی کبیر افظک

حسنی ایسه معنائک حسیته تا بعدر جمال محمدی
 بونشاه انسانیه به تنزلنده عالم مملکوته مرور ایش
 و آنک صورتیه صورت بولمشیدی انکچون بوجمال
 حقیقی و کمال معنی ایلر ریاض و ارمونق و معجب اولدی
 بعد ذامملکوت عالم مملکده نسنه لطیف و نورانی
 اولغله ظهور جمالی اکانسیت ایلدی زیر اجمال حسن
 و بها و نور ایتدن عبارتدر یت * دیر صنع نوشت است
 بکرد عارض تو * بمسک ناب که الحسن و الملا حدلک *
 * (و حیاض الجبروت بفیض انواره متدفقه * جبروت
 عالم اسماء و صفاتدر و عالم مجردانه دخی دیرلر یعنی
 ایداندن مجرد ذوات که انلرده نه لطیف و نه کثیف
 جسم یوقدر یعنی عالم عظمت و عالم مجرداتک حیاضی
 آنک فیض انواریه تدفق ایشدر یعنی دو کیشدر
 مقصود اول حیاضه دو کیلن آنک فیض انواریدر
 دیمکدر پس بونده دخی جبروتی حیاضه و فخر عالمک
 صلی الله علیه وسلم فیض انوارینی آیه تشبیه واردر
 و تدفقه کی سرعت سیلانده اسارت واردر مملکوت

ابند احاطه اسماء وصفاتك ظهوری و مجرداتك حصولی
 بوفیضه اولمشدر و بوعالمه فیض جـ لاه دن مقدم
 كمشدر بعد از احاطه جبروت عالم امرك نورانی شدن
 اختراعه قریب اولمغه فیض انوار اثبات ایلدی
 و مجرداتده حکما ابله متكلمین اراسنده كلام وارد در
 حکما عقول و نفوس مجردی می ملائكه كروبی ابله
 تفسیر ایشلدر و لکن بعض صوفیه تحقیقین قتنده
 عقول و نفوس مجرداتدن دكلدر كروبیون دیدكاری
 ملائكه مهمیوندر كه استغراق مشاهده دن ناشی
 آدم و عالمدن فارغ و بی خبرلدر و بونلر حضرت آدم
 علیه السلامه سجده ابله مأمور اولما مشلدر بونلردن
 ماعداسی مأمورلدر و ارواح مجرداتدن اولدیغی
 صورتده امام محمد غزالی رحمه الله حکمایه متابعت
 ایدوب متخیر دكل و طامسك برجه شده دخی دكل
 و ایدانده داخل و اندن دخی خارج دكل دیمشدر
 فاما بآدزی احد غزالی قدس سره سراج العقول
 نام ككبنده آنی رد ایدوب متخیر در دیمشدر زیر ایداته

قام اولان نسنه عند المتكلمین متخیر در پس بونلرك
 قتنده جواهر غیر متخیره یوقدر حکما دیرلر كه عرشك
 ماوراسی لاخلاق و لاملا عالمیدر و صوفیه دیرلر كه بلكه
 عالم ملا در زیر ارواحله طلودر و صوفیه نك بوكلامنده
 ارواحك متخیرینه اشارت وارد و مهمیون عالم ندوین
 و تفسیرك ماوراسنده در عالم تدوینك اولی هیم اعلادر
 و حکما ذاهب اولدیغی اوزره مجرداته قائل اولمغه
 ضرر بودر كه قدمنه ذهاب لازم كلور حقدن
 غیری ایسه قدیم یوقدر و بعضیلر عقل اولی ملائكه
 دن عدد ایدوب دوام حقله دوامنه ذاهب اولما مشلدر
 مزالقی اقدامدن بر محملدر بوندن زیاده مسا
 حشه كنور من والعم عند الله تعالی بوفقیه لایح
 اولان بودر كه مجردات كه مبدعات دخی دیرلر
 وجودی ماده دن دكل ومدت ایچنده دخی دكلدر
 پس مدت و زمان ایچنده اولمیان نسنه نوجهله متخیر
 اولور مشوقدر وارد در كه روح جسد دن مقار قتندن
 صكره صورت جسم ابله تمثل ایدر پس متخیر اولمق

لازم کلور الحیره بقدر اولسه برکشی عالم * ینه بلزندر
حقیقت روح * هرندکاو صحیح ایسه سخن * فی الحقیقه
اولو بدرر مجروح * ولاشی الاوهوبه منوط اذلا والا
سطه لذهب کا قبل الموسوط * یعنی یرسنه یوقدر
موجوداتدن که فخر عالمه صلی الله علیه وسلم منوط
وحر یوط اولیه زیرا دینلشد که اگر واسطه اولسه
موسوط هلاک اولور و فنا یاوردی موجودات ایسه
وجود خارجی ایله موجودلر و بقاء ذات ایله متصف لر در
پس بو بقاء البتہ بر واسطه یتعلق ایشلر و بر فیض
خاصله نما یو اوب بتمش لر در و اول واسطه فخر عالمه
صلی الله علیه وسلم زیرا حق ایله خلق آرا سنده اندن
غیری واسطه فیض و جود یوقدر تنصیلی بودر که
الله تعالی عوالمک جسمانیات و روحانیاتی منسلسل
قیلشد ر و حقیقت محمدیه دن جمیع اشیانک حصه سی
وارد کرک جزوی و ککک کللی و بوح حصه ایله
اول حقیقه حر تبیط اولمش لر در شویله که بو تعلق
و ارتباط اولسه وجود لری منعدم اولور دی زیرا

و جودک بقای فیض دائم و متصله منوط و تجلی
متعاقبه مر بو طدر بو فیض ایسه و ساطت حقیقت محمدیه
ایله اولور زیرا هر کسک و جودی جمیع مر اتیده
بالذات حقدن مستفیض اولغه مستعد دکلدر والا
ارسال رساله حاجت قالمزدی بو معنایه بناء ارتباط
لازم کلدی بو مسئله نک خارجده نظائری چوقدر
مثلا وزیر اعظم اولان کسنه پادشاه ایله خلق آرا سنده
واسطه در اگر بو واسطه اولسه مصالح ناس بتمزدی
زیرا پادشاهک شانی بحسب الغالب احتیجا بدر
وهر مصلحت که وزیر اعظم یوزندن بتر پادشاهه
مستنددر و غضروف دید کلری نسنه عظم و لحم
آرا سنده واسطه در اگر اولسه لحمدن عظمه غذا
واصل اولمز و عظم لحم کی تربیه بولمزدی زیرا مابنده
جهت جامع یوقدر پس اول ذوالو جهین اولان
غضروف عظمک نما و بقاسنه سبب اولدی و کذلک
قلب انسانی روحیه جسد آرا سنده واسطه در زیرا
جهت لطافتی ایله بر توروجی اخذ و جهت کثافتی ایله

جانب جسمه فیض ایدر جو و سامنله روح ایله جسم
اراسنده ازدواج و نظام وجود حاصل اولور و كذلك
اجرام علویه ایله حرکاتی اراسنده نفوس ناطقه
فلکيه واسطه دراکر اول محرکات اولسه افلاك دخی
آسیاب بی آب کبی معطل اولوردی و روی دریاده
سفینه ک جزای فی عموده منوطدر زیرا تقدیر ارسان
و ارتباط کامر قط و ادیان دخی ارسانه متعلق
و متضاد را کر بر ارتباط اولسه سفینه دن مقصود
حاصل اولمز و موسوط وجود بولزدی تکیم بزم
خادم مز بوتحریر واسطه درو بعض مکاشفای باشاری
اوزرنده آسمانه پیوسته رشته کبی نسبه مشاهده
ایدر لرمش مقصود عالم حقیقه اولان ارتباطی
تصوردر یوفقیه ارتباط مذکور غیر اسلوب ایله
تمثل ایشدر پس ارتباط حالی معلوم اولد قده
واسطه به شکر لازم کلدی انکچون انبیا و اولیا
و علما ک حقوقی حقوق ابویندن زیاده در* (صلوة
تلیق بک منك الیدکاه و اهله)* یعنی فخر عالم صلی الله

علیه وسلم اوزرینه سکالایق اولان صلوة ایله صلوة
ایلله که اول صلواتک ابتدای سندن و انتهای اکا
اوله یعنی صلواتک انک روح پاکنه و اصل اوله و اول
صلواتی آنک اهلیننه کوره ایله و لکن آنک
اهلیننه کوره اولان صلوة لایقه ک معناسنی
فی الحقیقه کندی ایلله الله تعالی بدن غیری
کچمه بلز زیرا الله تعالی ک عباد اوزرینه صلواتی
وجود مختلفه اوزرینه در که هر کسک مقایسه کر در
یعنی کچینه رحمت و مغفرت و کیم برکت و کچینه کشف
و کچینه مشاهده و کچینه جذب و کچینه قربت و کچینه
وصلت و کچینه فناء کچینه بقا کچینه دخی غیری معنی
محمولدر ظاهرده نظیری صلوات و عطایای سلطانیه
در که هر کسک استحقاقنه کوره و بریلور هر کدایه
براغوردن بر خزینه و برلمز و قبل تحصیل الاستعداد
صدر وزارت تصدیر اولمز هر نسبه اندازه مرعیدر
انکچون قرآن کریمده ازال میزان ایلله امتیان واقع
اولشدر چونکه فخر عالم صلی الله علیه وسلم

عند الخلايق مقامی مجبور و ولد سلطان اعظمك
 رعایا فتنده حالی مبهم اولدیغی کبی پس اکا افاضه
 اولنان حقیقت صلواتی کیمسه ادراک ایتک ممکن
 دکلدر و بومعنا بی مؤید حدیث شریفده کلاور
 لی مع الله وقت لا یسعی فیه ملک مقرب ولا نبی
 مرسل علمانک صلوة حقه ایلد کلری تفسیر
 حقیقت صلواتک اوازمنده ندر یوخسه حقیقتده
 مرادی تعیین دکلدر زیرا انسان واقف
 اولدیغی علمدن خبر و یرمک جهلدر بعد ذا
 بو کلامده فخر عالمک صلی الله علیه وسلم زیاده عنایت
 حقه اختصاصی بیان وارد زیرا افراد وجوداتدن
 بر موجوداتک اهل اولدیغی معنایه اهل اولما مشدر
 انکچون آنک مرتبه سنده صلوة مستحق دکلدر
 و قرآنده کلاور هو الذی یصلی علیکم وملائکته
 لیخرجکم من الظلمات الی النور یوراده ناس
 اوزرینه اولان تصلیه اخراج ایله تعلیل اولندی زیرا
 افراد امتدن هر فردک حالته کوره ترقی و تنزل وارد

فاما فخر عالم صلی الله علیه وسلم اوزرینه اولان تصلیه
 مطلق ذکر اولندی تنکیم قرآنده کلاور ان الله
 وملائکته یصلون علی النبی زیرا فخر عالم صلی الله
 علیه وسلم مقامات ترفینک ذروه سنده در پس اول
 ذوق ترقی ندر کیمسه طائما مشدر و قرآنده کلاور عسی
 ان یتبعک ربک مقام محمودا مقام محموددن مراد بالکثر
 شفاعت عظمی مقامی دکلدر بلکه جمیع مقاماتک
 کلیندن عبارت اولان بر مقام عالیدر که شفاعت
 عظمی مقامی آنک افرا دندندر پس بوندن دخی سر
 صلوات فهم اولندی لحرره چونکه هر وجهله اولدک
 محمود * سکافیض اولدی مقام محمود * انبیا امتکدن
 اولمشدر * اولیا بنده لرندن معدود * اللهم انه سرک
 الجامع الدال علیک معلوم اوله که اسرار چوقدر زیرا
 هر نوعک و هر صنفک و فردک اسرار خاصه سی
 وارد رانکچون سر بشره ملک و سرملوک رعایا و سر
 انبیا و اولیا و سر علمایه امیون و سر خواصه عوام
 واقف و مطلع دکلدر زیرا وجه خاصدن

الله تعالی ایله کند و لری ارا سنده در و خصوص اوزرینه
ایکی سر عظیم وارد در که بری سر انسان و بری سر
حقدر سر انسان حقیقت انسانیه دن عبارتند که
حقیقت الهیه صورتی اوزرینه ظاهر اولمش در تنکیم
حدیث شریفده کلور خلق الله آدم علی صورته
صورت الهیه دن مراد صفات سبع مرتبه در که
حیوت و علم و ارادت و قدرت و سمع و بصر و کلام در
پس صورت آدم بو صورت الهیه اوزرینه کلمش در
زیرا بالفعل مظهر در و انسانک سری سر حقک
ظاهری و صورتی در و اما حقک سری سر انسانک
بالمنی و حقیقتی در بو سر الهی اسم اعظم دن عبارت
اولان کافه اضافت اولندی انکچون جامع دینلای
زیرا جمیع اسرارای جامع و جله حقایقه شاملدر
و فخر عالم صلی الله علیه و سلم آتک حقیقتی ایله ظهور
ایلمش در که دالدر زیرا عوالم ایچنده حقیقت
محمديه عالم اعلال در و ذات حقده دلالت ایدن اشیا ده
حقیقت محمدیه دن اوسع و اولی بو قدر انکچون

بو حقیقتک فلکی حیوندر پس حیوته فلک عرش
کی احاطه تامه وارد در زیرا جله به ساریدر کچنده حقانی
و کچنده صورتی پس حیوتدن اوسع بو قدر جاد دیمک
عبارظ اهر راه در مثلاً میت حیوت حقانیه سی
وارد در که مکاشفه ایله یلینور اگر چه که ظاهری جاد در
و جبرک دخی بو معنا جده حیوتی وارد در انکچون
حضرت موساک صلوات الله علی نبینا وعلیه و بی
آوب فرار ایلدی تنکیم تفاسیرده میندر بوسیدند در که
قیامت کوننده مؤذک صوتی ایشیدن رطب و یابس
شهادت ایتسه کر کدر تنکیم حدیثده مصر حدر
شهادت ایتسه حیوة و علم اهلنه مخصوصدر و مأکولات
و مشروباتدن صحت و جود و بقای بدن حاصل اولمی
حیواندند در زیرا محض جاد دن نما حاصل اولمز
و بو بر سر عظیمدر که اهل الله یلمور تنکیم قران
کریمده کلور و ان الدار الاخرة لهی الحيوان
دار آخرتده اشیا نک حیوتی ظاهر و دار دنیا ده مستوردر
سری بودر که دنیا قالب و آخرت قلب کیدر که

بری کشیف جسمانی و بری لطیف روحانی و آخرتده
 قلب قالب صورتیله تصور ایله سه کر کدر انکچون
 آخرته عالم صفت دیمش لر در زیر ادنیاده اولان صفات
 قلبیه اوراده صورت قلبیه به دخول ایدر تکیم
 قرآن کریم ده کلورفتا تون افواجا بو عالمده
 اوحیاتک ظهورینه کثافت مزاج مانع اولمشدر
 اهل اللهک کمال لطافتلری اولمغله ادراک ایدر لر
 و بو موطنده رؤیتدن منع اولمق دخی بو سیرا و زینه
 منیدر انکچون ارباب بصیرت باطن و وجدان ایله
 ادراک و شهوده قانعلر در فاعرف و اغتم لمحرره حاصل
 اولسه دله تجلی حق * روشن اولوردی خانه سی مطلق
 * خانه کیم روزنه سی یوقدر انک * نور خورشید دن
 اولیدر مغلق (وله) کورر هر جسم و جان ایجره براوز که
 جانی جان اهلی * ییلور بور می ای حق حیات جاودان
 اهلی * (و حجابک الاعظم القائم لك بین یدیک) *
 بالاده واسطه عبارتته انسب اولان بودر که بوراده
 حجاب حاجب معنی اسنه اوله زیر حاجب یعنی بواب که

ایرده داردخی دیرلر داخل ایله مدخول علیهم
 واسطه سیدر ولکن تحقیق بودر که حجاب
 اعظم حدیث رؤیتده مصرح اولان رداء کبریایه
 اشارتدر که تحقیقی رتبه مظهر در و بور تبه ایننه مثال
 اولمغله رؤیت اکاموط اولدی بصیرله کوریتن ردا
 و بصیرتله کوریتن اول ردا ایله هر تدی اولاندر
 تکیم عادت عریدر که باشند یا غمدلک ردا ایله بورینور
 کوریتن ردا در کندی دکل تکیم چه کردک اغاج
 صورتیله ظاهر او اور چشم ظاهرله کوریتن اغاجدر
 چه کردک دیده باطنله مشاهدده اولنور و بور تبه
 مظهر در که ذکر اولسندی هر کسه کوره حقیقت
 محمدیه دن حاصل اولان حصه در و هر بر حصه
 مظهره کوره حجاب چیز ییدر پس حقیقت محمدیه
 حجاب کلی و اعظم او اور بو خود معلومدر که آینه
 رانی به حجاب اولمز بلکه واسطه رؤیت او اور تکیم
 ردا امرندی به کوره حجاب دکلدر بلکه خارجدن نظر
 ایدنه کوره حجابدر و کلام مذکورده حجابی حقه

اضافت ایتدن مراد حقه حجاب اثبات ایتک دکلدر
 زیرا حجاب ایله محبوب اواق محدودک صفتیدر حق
 ایدیه محیطیدر واحاطه سیک نهایی بوقدر بلکه فخر
 عالمک صلی الله علیه وسلم خلقله حق راستنده حجاب
 وواسطه و رفته آینه اولدیغنی بیانددر تکیم صدر
 اعظم دخی رعایا ایله سلطان راستنده حجاب اعظمدر
 وحقه ~~ص~~ کوره حجاب احتجابدر یعنی حق تعالی
 خارجدن حجاب ایله محبوب و مستورد کلدر بلکه
 کندی صفاتیله محتجبدر پس حجاب ایله احتجابک
 میاننده فرق ظاهر اوندی و چونکه رؤیت ایدیدر
 حجاب دخی قائمدر انکچون قائم لک دیدی یعنی سنی
 رؤیتیه مرآت اولسون ایچون قائم وثابتدودائما
 حضورده در زیرامیانده واسطه بوقدر فافهم خدا
 * واپس وراء عبادان قریبه لحرره چشمه ظاهر ایکن
 اول دیدار * کورمیه ب آنی کور رسن قوری دار * وار
 علاج ایله چشمکه ایرکن * نیجه بر خواب غفلت اول
 پودار * اللهم اخلقنی بنسبه وحققنی بحسبه * (نسب

ابوبن جهتدن اولان اشتراکدر یعنی ولادت قریبه
 راجع اولان نسنه در حسب کشینک کندی نقشده
 وایا واجداند اولان مفاخر در وحدیت شریفده
 کلور کل سبب و نسب بنقطع یوم القیمه الاسبی
 ونسبی معلوم اوله که الله تعالی انسانی جنسین
 مختلفیندن ترکیب ایتشد در صورتی عالم خلقدن
 وروحی عالم امر دندر پس انسانک نسبی روحنه در
 وروحک دخی انسانی جناب الله و حضرت رسول
 اللهم در تکیم قران مبینده کلور و نفخت فیه من
 روحی و حدیث شریفده کلور انا من الله
 و المؤمنون منی ای من فیض نوری خواص عباد
 بونسب اهلندند در بونسب اهلننه غایب اولان
 خواص روحانیتدر شوق و محبت و طلب و حلم و کرم
 و تقوای حقیقی کییکه درجات عالیه به انجذاب بونکله
 حاصل اولور و انسانک صورتی و بشریتی طیندن
 خلق اولمشدر تکیم قران عظیمده کلور هو الذی
 خلقکم من طین عوام ناسه غایب اولان خواص

بشیریتند در حرص و شهوت و هوی و غضب و میل
 ما سوا الله که در کات سابقه به الخطا ط بونلرک
 سببیه در پس معتبر اولان نسب معنوی و نسب
 تقوا در نسب صوری و طبعی دکلدر انکیچون حدیث
 شریفده **کلور** یا بن هاشم یا بنی النس باعمالهم
 و نأ تونی بانسا بکم نتم ما قبل و ما ینفع الواصل
 من هاشم اذا کانت النفس باهله و حسب ايله
 مراد حقیقته اخلاق نبویه در تکیم عایشه رضی الله
 عنهادن خلق نبی سوال اولند قدده کان خلقه القرآن
 دیو جواب و یردی یعنی ظواهر قرآن ايله عامل
 اولدیغندن ماعدابو اطننه دخی مالک و صفت خلقه
 قائم و افتقار حقیقی مقامنده دائم ایدی که انسان کامله
 شرف حقیقی بومعنا ايله حاصل اولوز تکیم انسان
 نافذ صبه مفاخر نفسانیه و عارضیه ايله در و بو کلامده
 الحاق تحقیق اوزینه تقدیم ایلدی زیرا بو امرک
 ابتدائی تعالی و وسطی تخلق و انتهای تکمیل
 جعلنا الله و ابائکم من المتخفقین بفضله و کرمه لبحرره

نظم قرآنی مجرد صائمه کیم از بر کرک * ادم کامله
 حق خلق بیغیر کرک * (و عرفنی ایاه معرفه اسم بها
 من موارد الجمل) تعریف ابکی وجهله در بری واسطه
 ايله در کتا بلردن و اقواء استا ددن اخذ اولنان بونده
 دا خلدر بوکا وجه عامدن اولان تعریف دیرل و بری
 دخی بی واسطه اولان تعریفدر علم ضروری و جهت
 الهام ايله حاصل اولان بونده مندر جسد زبوکا
 وجه خاصدن اولان تعریف دیرل و ابکی به اشاره
 اترده **کلور** خذوا العلم من اقواء الرجال و خبرده
 کلور اذا اشکل علیکم امر فارجمعوا الی القرآن
 و السنة و ایکنی به اشاره قرآن **کریم**
 کلور و اتقوا الله و یعلمکم الله پس بالذات اولان
 تعریف بالواسطه اولان تعریفدن افضل اولغله
 کلام مذکورده تعریفی حقه نسبت ایلدی و ابو یزید
 بسطانی قدس سره کما تنذیه کلور اخذتم علمکم
 میثاق عن مبهت و اخذنا علمنا عن الحی الذی لا یموت
 و مقصود فخر عالمک صلی الله علیه و سلم ذات

وصفات و افعال و اقوال و احوالی معرفت اولمغه
 مواردی جمع ایراد ایلدی و علم و معرفت عند
 المتکلمین برادر اگر چه که عند الفلاسفه میانه فرق
 کثیر و ار در پس اهل ظاهره علمای و اهل حقیقه
 عرفادیمک مجرد تمیز ایچوند و بعض حکماء الهیه
 دخی فرق ایدوب دیشلرد که عالم عارفدن مرتبه
 جهتندن ارفعدر زیرا علم تصدیق و معرفت تصور
 قیلنددر پس علم حقایق و اوامی ادراک و معرفت
 مجرد خصایص و فضائلی ادراک و قران کریمده
 کلمور هل یستوی الذین یعلمون و الذین
 لا یعلمون یعنی علم شریفنه بنسب تخصیص اولندی
 و حدیث شریفده انا مدینه العلم و علی بابها
 تکیم جامع ترمذی رحمه الله ده مذکوردر و بر حدیث
 شریفده دخی کلمور انا میران الحکمة و علی
 لسانه تکیم امام غزالی نیک رساله عقلیه سنده
 مسطوردر پس شیخ قدس سره معرفت ایله
 مرادی علمدر انکچون جهل مقابله سنده ایراد

ایلدی جهلک کلبسی علم ایله زائل اولور بوخسه
 تصور قیلندن اولان معرفت ایله اولمز و لکن
 بواسطه اصطلاحی اوزره معرفت ایله تعبیر ایلدی
 معلوم اوله که علوم و معارف ایکی نوعدر بری حقانی
 و بری شیطانی حقانی اولان ظاهرده کتاب و سنده
 موافق و باطنده ذوق ارباب حقایقه مطابق اولاند
 بوندن ماعداسی شیطانی بدر خصوصاً عمله مقارن
 اولمیان علم دخی معتبرد کلدن زیرا غیر نافعدر معنای
 کلام بودر که بکا فخر عالمی صلی الله علیه و سلم
 بر معرفت ایله تعریف ایله که وارد و مسالک جهلندن
 انکله سلامت بوله بن و هر موطن و موضعده کوره
 کاینخی اهل علم اوله بن* (ومن الامداد التحصیل
 علوم النافعة الجملة)* لبحره مرغ جانانه اوجنده علم
 و عملدر ایکی پر* بوخسه اووردی هوای جهلنده
 ز یوز پر* (و اگر عیال بهامن موارد الفضل) کرع صوبی
 ایله و یا طرفله تناول ایتیب و وضعندن اغزله ایچمکدر
 فضل کسبک غیری طریقله حاصل اولان عطیه

الهیة دیرل بونده فضلی آیه و تخانی مورد آیه و اخذ
 واتصافی کرعه تشبیه وارد در مقصود معبرقت
 نبویه ایله اهل فضل و عطا اولدیغن طلبدر
 انکی چون کرعه تعبیر ایلدی زیرا کرعه واسطه
 یوقدرید و باظرف واسطه قیلنددر فضل ایسه
 بی واسطه و بلا کسب اولاند ر و بو تشبیه نکتہ
 بودر که شریده جمیع عروقه سریان وارد و بوندن
 راسخ فی العلم اولقی لازم کاور که صفت اهل تحقیق قدر
 و مواردی جمع ایراد ایلدی زیرا عطا یا ای الهم
 بسیار در خصوص یوقا روده اولان معنای جمعیت
 بوراده دخی ملاحظه * (واجبانی علی سبیلہ الی
 حضرتک جلا شرفا بنصرتک) * سبیل معتاد السلوک
 اولان طریقہ دیرل اضافتدن مقصود سبیل معهودی
 تعریف ر که توجید و تجرید و تفرید در حضور غیبتک
 خلاف در غیبت حجاب اکوان و حضور بوجابی کشف
 و ازاله ایله اولور حضرت عیبارتی حق تعالی دن
 کتابه در تشکیم السالم الی حضرتک المقدسه دیرل زیرا

حضرتک صاحب حضرتک تعلقی وارد و بو مقوله
 کایات آیدنددر پس اضافت بیانییه اولور مکر
 حضرت قرب معناسنه محمول اوله تقول کنت
 بحضرت الدارای بقربها نصرت دفع ضرره
 مخصوص صدر معونت و اعانت اعدا در زیر اسلب حضرت
 و جلب منفعتک مجموع غنده مستعملدر تشکیم چند حرب
 ایچون اعداد اولسان عسکره دیرل مطلق عسکره
 دیمزل معنای کلام بودر که بی اول حضرتک
 طریق مخصوصی اوزرینه سنک حضرتک برجل ایله
 جل ایله که نصرتک ایله محاط اوله نصرت ذکرینک
 فائده سی بودر که بو طریق بقک مخاوف و مهالکی چوق
 و اعداء ظاهره و باطنه سی خددن آرتق قدر تشکیم
 خواجه حافظ دیوانده کاور که * بهر کام دران ره
 خطری نیست که نیست * بونده اشارت وارد که
 کرچه هر شب الک حق اسم مخصوصی یوزندن
 حضرتک واسل و سری انک سرینه متواصلدر تشکیم
 دیرل الطرق الی الله بعدد انفاس الخلابی و لیکن

طریق نبویده کلیت وارد و بالفعل ظهور ابله بانقوه
استعدادك میاننده فرق مقرر در بوسیدند که وارث
اکل محمدی اولانك سنی دخی بحسب الغالب
سن پیغمبری صلی الله علیه وسلم تجاوز بتمیزین محاذات
کامله وارد پس علوم و اذواقند بقدر الاستعداد وارث
اولاد یغنی کی عمرینه دخی وارث اول و انکیچون
شیخ قدس سره الی حضرتك دیدی مطلق سو یلدی
مقصود اسم اعظمك کلیتی مقامیه که جنت عدن
و وسیله بونك صورتی و مرقد منیر خصوص اوزرینه
وسیلهك اجمالیدر فافهم جدا و حضورك مقام
عندیتر جمله مقاماتك فوقنده در انکیچون قرآن
کریم دکلور عند ملک مقتدر بحر ره سرم
ایر سه مقام وصله * بوله جانم او مقام ایجره حضور
بو حضوره نیجه جان و بر میهم * عاشقم عاشق اولیدر
معذور * بعد ذاجل لفظنده جذبه به به اشارت وارد
زیر اسلوك موصوف جذبه به به موقوف در شکیم مولانا
جامی دیواننده کاور * سالکان بی کشش دوست

بجایی نرسد * سالها کر چه درین راهتک و پوی کنند *
بحرزه جذبه دن دوز سه شهر سالک * اوله منزلانده
وصله مالک * کی که بی جذبه سلوک آیده حقه * عاقبت
او او ربو یولده هالک * واقذف علی الباطل فادمه
باطل نفسنده وجود و نبوت و تحقیق اولمیانده دیرل لسان
صوفیه ده ایکی قسمدر اولکی قسمنه باطل حقیقی
دیرل که نه عالم علمده و نه عالم عینده انکله تجلی
واقع اولما مشدر عدم حقیقی دخی دیرل پس عدم حقیقی
وجود حقیقی به مقابل اولدیغی کی باطل حقیقی
دخی مقابلدر زیر امتزاد فردو ایکنی قسمنه باطل اضافی
دیرل که انکله تجلی واقع اولان موجودات
خارجیه درو عدم اضافی دخی دیرل پس عدم اضافی
وجود اضافی به مقابل اولدیغی کی باطل اضافی
دخی مقابلدر زیر امتزاد فردو وجود اضافی حق مجازی
اولدیغی کی عدم اضافی دخی باطل مجازی بطلانی
نفسنده معدود اولدیغی ایچون در شکیم دینل مشدر
الاکل شیء ما خلا الله باطل و مجاز اولدیغی

وجود اضافی به مجلی و مرآت اولد یغیچوندر پس
 شول آیتسه که قرآن کریمده کلور بل تقدف
 بالحق علی ابی اطل فیدمغه فاذا هو ذا هـ حق
 آنک بطریق الاشاره معناسی بودر که
 موجوداتی خلق ایلمک وجود حق عدم باطل اوزرینه
 قذف ورمی الیدی اولدیغیز حالدیه پس حق باطلی
 داغ وضاب اولدی و باطل دخی انفس و آفاقدن
 زاهق و زائل اولدی یعنی موجودات ظلمات باطلدن
 نور حقه خروج ایلمدی پس وجود حقیقی الله تعالی نک
 وجودی و وجود اضافی ماسوانک وجودی و ماسوا
 باطل اضافی اولدی انکیچون هدایی قدس سر
 کلماتده کلور موجود اودر وجودی اوله آنک حقیقی
 یوخسه وجودی زائل یروهم باطل انحق پس شیخ
 مصلی قدس سره دیمک استر که بنده مستبحن اولان
 وجود حقیقیکنک انارینی باطل اولان وجود اضافی
 اوزرینه طرح ورمی ایله تا که بن اول باطلی ذمغ
 وضرب و سح ایدیم یعنی ازهاق و ازاله ایده ایم

ووجود بحازی ایله اتصافدن وکندومه کون
 ضافشدن خلاص اولیم حاصلی کثرت موهوم
 زائل ووحیت معلومه باقی اوله ویا فعل ظهور بوله
 پس بومعنی فادمغه لفظی فان ادمغه تقدیرنده اولماغه
 کوره در و جا زدر که قاعاطفه و ادمغ امر اولوب
 فادمغه بی تقدیرنده اوله واکن اولکی معنی نض
 مدکوره مطا بقدر زرا دمع آنده حقه مسند در قاعرف
 ذلک * و زوج بی فی بحار الاحدیه * و بی سوا حل
 کثرتدن بحار احدیتیه رمی و الله ایله تا که مستغرق بحار
 احدیت ایلیم معلوم اوله که احدیت ذاتک و واحدیت
 صفاتکدر مرتبه احدیت جمیع حقایق جامع وجهه
 کثراتک آنده مستهلک اولدیغی ذاتدر که تعین الهینک
 اولدر انکیچون اکا حقیقه الحقایق و حضرت جمع
 و حضرت وجود دبرل بحاری جمع ایراد ایلمدی
 احدیتک نهایی اولدیغنه اشا رتدر ویا خود احدیتک
 مبدأ کثرت اولدیغنه کوره در پس هر کثرتده براحدیت
 وارد که هر احدیت بر در یاوهر کثرت بر ساحل کیدر

بودند مقصود کثرات خارجیه متضمن اولیای
 وحداتی دید بصیرتله مطالبه بی طلب در و بود وحدتک
 بحسب الکثرات کثرتند نفس الامر ده دخی کثرتی
 لازم کما حصص حقیقت محمیه کبر در تکیم انسان
 کلی به کثرت اشخاص در کثرت لازم کما بلکه انسان
 نفسنده امر واحد در روح و مسا تر دخی بویه در
 شمسک پرتوی انتشار حسیه متعدد کور نور و کن
 نور واحد در که شمسه مضاعف در وسایه نورک عبی
 اولیای بی و وجود اضافی دخی وجود حقیقتک
 عبی دکلر والاعبد حق اولیای اقتضا پذیر بوابه
 محاذر الحاصل شمسک انعکاس انوارند سایه
 حاصل اولور وسایه عارض ارفله زوال بواب
 توهم اولان اثینیت منحصی و شمس نوری یله باقی
 قالور قوس امکانده اولان مخط مترهم فی الحقیقه
 دازه بی تنصیف اتمز آنک خارجده وجودی موهومدر
 اگرچه که محسوس در پس وحدت واحدیت منکشف
 اولیای امور عارضه دن ناشی اولان کثرتدن نظری
 قطع ایتمکه در * چوبندی از تصاریف شتون چشم *

ترامصدر نماید عین مشتق * بعد از آب سبب حیات
 اولیای بی کی علم دخی سبب حیاتدر انکچون احدیتی
 در بایه تشبیه اولادی (برامقصور احدیت علمدر و آب
 هر نسبه ک اصلی اولیای بی کی تکیم نظم جلیله
 کلور و جعلنا من الماء کل شیء حی احدیت
 دخی هر کثرتک بعد اشد در بودند کثرت به تشبیه
 اولیای لازم کلدی فا عرف ذلك لمحرره اوله یلمد که
 بوبحره غواص * اولادی کاملار ایجره نامک خاص
 * (و نسائی من احوال التوحید) * نسل بر نسبه بی
 سیر عتله تزع ایتمکه دیر احوال و حلاک جمیع رطین
 رقیق معاشیه اوحادن مراد برازخ و قیود در یعنی بی
 توحید براز خندن چقار و قیودند تزع ایله زبرا
 توحید اثبات وحدت ایتمکه در که توهم کثرتدن ناشیدر
 انکچون آتش غیبیه حتی لاری دیرو دینلمشد که
 التوحید اسقاط الاضافات یعنی ذات حق
 نسبت اضافتدن تجرید در و بو ذکر اولان عوام
 اهل توحید هر تبه سیدر انکچون قل هو الله
 احد وارد اولدی و لا اله الا الله دینلدی والا کثرتک

وجود موهومی مضمحل اواسه وحدت غیر قابل
 پس حقیقتده کثرت اولیج بق موحد نه بی نفی ایدر
 و بونده اشارت وارد که توحیدك ورا سنده تجرید
 و تجریدك ورا سنده دخی تفرید وارد که قران
 كرمده کانون والسماء بقون السماء بقون
 اولئك المقربون وحدیت شریفه کانون
 سبق المفردون یعنی تفرید اهلی تجرید اهلی
 سبقت ابتری تکیم تجرید اهلی دخی توحید اهلی
 مرتبه ده کجری زیرا ابرار ایله مقربین برا بر دکلدر
 بی صفاتی پری ذاتیدر المعرره ره عشقه سلوک ایدن
 آدم * صائمسون یوقدر ربهم واده وصل * هر که قهر
 ابتد عتقله نفسه * فنجب اواسه لطف حقه محل
 * واغرقنی فی عین بحر الوحدة حتی لا اری ولا اسمع
 ولا اجد ولا احس الا بها * عین ذکر لطافتدن خالی
 دکلدر عین دیدی زیرا جسمك ورا سنده روح مجرد
 و سرك ورا سنده عین مجرد وارد سالک بو عین مجرد
 مرتبه سنه واصل اولد یقیه حقیقت وحدت اکا

ظاهر و رایتز انکچون بوه قسامده وحدت دیدی توحید
 دیدی زیرا توحید عبده و وحدت حقه کوزه در کذلک
 بحری مفرد ایراد ایلدی زیرا وحدت احدیت کبی
 دکلدر پس بو وحدت ایله مراد وحدت حقیقه در که
 کثرته مقابل اولان وحدتک مبدائی در زیرا کثرته مقابل
 اولان وحدت مبداء کثرت حقیقه در وحدت حقیقه
 ایسه مبداء کثرت اعتباریه در یعنی بالقوه کثرتک مبدائی
 بالفعل دکل و بالقوه ایله بالفعل بیننده فرقان بین وارد
 زیرا کثرت بالقوه نوانده اولان کثرت بالقوه کبیر و کثرت
 بالفعل شجره ده اولان کثرت بالفعل کبیر و وحدت
 حقیقه وحدت نوات کبیر و وحدت اضافیه که کثرت
 بالفعلک مبدائی در وحدت بدن شجره کبیر نفس
 ایکی وحدتک و ایکی کثرتک میاننده فرق وارد و بو کثرت
 کیجه کبیر که نهار وحدته ایلاج اولمشدر انکچون
 ظلمتی نور وحدته اخفا اولمشدر و کاه اولور که
 نهار وحدت لیل کثرته ایلاج اولور پس بو صورتده
 نور وحدت ظلمت کثرته اخفا اولندی بو تفصیل

معلوم اولاد یسه لا اله الا الله وحده لا شریک له
 مقاله سنده اولان وحدتک سری دخی ظاهر اولدی
 یعنی بو وحدت ایله مراد وحدت حقیقه در که
 نبی شر که مقابل اولان وحدتدر که کثرته مقابل
 اولان وحدتک میداید یو خسه وحدت اضافیه
 دکلدر زیر وحدت اضافیه کثرت کی مخلوقدر تنکیم
 مشارق شریف اوزرینه اولان شرح اکلامه مصر حدر
 و یونس امره قدس سره کلماتده کلور یوسفم یتوردم
 کنعان ایلمده * یوسفم بولندی کنعان بولمز * یعنی
 یوسف وحدته اول مطلع دکل ایدی کوردیکی هب
 کثرت ایدی و وحدت بونک نزه میدرد بوردی زیر اسلولک
 صحیح ایله عالم ترکییدن مفارقت ایتماش وجانب
 وحدته سفر ایدوب کتاش ایدی مکره مکاشفه ایله
 یوسف وحدتی بولدی کنعان کثرت کورغمز اولدی
 یعنی هر تسنده وحدتی مطالعه به قادر اولدی تنکیم
 حدت ایله شمسه نظر ایدوب بصری متفرق اولانک
 کوزینه اشبای خارجیه کیر مدیکی کبی و یو بر غریب

سمر در که مکاشف بیلور زیر اضر برده جاریه در
 نظر اولان سنده هر کسک فن اصلی نه ایسه دنیاده
 مشاهده ابتدیکی آئارده آنی کورر غیر بی کوررمز
 مثلاً بر کیمسه علم میرانده متفتن و دائم مطالعه
 و مذاکره سنده اکباب ایدر اولسه هر کورر دیکی نسته بی
 شکل اول صورتی اوزرینه اخراج ایدر مثلاً کانی کورر
 هذا کتاب وکل کتاب یتفع بعلمه دیر و خبری کورر
 هذا خبر وکل خبر بولکل دیر و فرسی کورر هذا فرس
 وکل فرس بر کب پس جمله سنی شکل اول اوزرینه جمع
 ایدر وانک نظر نده شکل اولدن خبری قالمز و سائر
 قواعد و فتوی دخی بو کاقیاس ایله بو وحدتک ایچنده
 اولان کیمسه عجبدر که بی بصیر کی وحدتی
 کوررمز و الواح کاشانی اوقیوب بوسره ایرمز لجره
 نیمون کورمزلرای دل ماهیار در یاده دریایی * غریق
 بحر علم ایکن اولورلر شویله بحرانی * ظهوری کوزله
 کیرمش یند بوق آنی بر کورمش * بوسره واری هیچ
 ایرمش بیلوب بواوز که معنایی * ندندر کثرت اسماء

ندند و وحدت مولا * خبر و بر جله سن جانا اگر پیلد کسه
 مولایی * صور عکس کور و ب الدائم ای غافل خیالاته
 اگر نور حقیقی ایسترایسک کو کده کور آبی * بوم نزل
 هر کسک تیر مرادینه هدف اولمز * ایریشمک ایسترایسک
 حقیقا چک عشقه یابی * معنای کلام شیخ بود رکبخی
 عین دریای وحدته اغراق ایله تا که سندن غیری به
 نظرم تعلق ایتیه تکیم هدای قدس سره پیورر
 اولقدر حیرتده اولسون جان و دل * قنده بقارسم افندم
 صانه بن * وسنک کلامکده غیری بی اصغا ایتیم تکیم
 تحسین نساجه بر کپسه راست کلوب سن بنم مملوکسک
 دیدی اولدخی مقام سمعده اولغله نعم دیوب واروب
 اول کپسه نک خانه سنده نیجه مدت خدمت ایلدی
 زیرا اول کلامی حقیقتده حقدن ایشتمش ایدی پس
 قائلن تکذیب ایتدی و لکن اشرب الحمر دیو خطاب
 اولنسه محقق بو کلامی حق حقیقیدن استماع ایتمز
 تا که مضمونیه عمل لازم کله زیرا حق نهی ایتدی یکی
 نسته ایله امر ایتمز جمله منهیات بویه در و بو مقام

مزالقی اقدام دندر بعض ریاضتکش آدمیله راست
 کلام امامه اقتدا ایتمز انفراد ایله مأمورز دیرلر بومقوله
 خلل ریاضات مجرد نک خرافات و خیالاتند ر
 شیطان توسط ایتشد رزیرا محراب عامه یریدر و حدیث
 شریفده **مکملو** رصلوا خلف کل بروفاجر
 بو حدیث کرچه اصلنده امامت کبرایه کوره در فاما
 امامت صغری دخی بونده داخلدر پس اهل سنتک
 ارقه سنده نماز قیلان برالای عامی و ریاضی و جاهل
 و ضال و قرین شیطان سرگروه اضلالدر
 و وجود انمله سندن غیری بی بولیم زیرا قل الله
 ثم ذرهم پیورادی مقصود مجرد قول توحید دکلدر
 بلکه شهود ایله دخی وحدته وصولدر شویله که لوح
 دالده رسم ماسوی قالمیه تکیم حضرت ابراهیم
 صلوات الله علی نبینا وعلیه اسلمت رب العالمین
 دیدی بو اسلام قو اینک حقیقی آتش نموده طرح
 اواند قلرنده ظاهر اولان تسلیمدر و سندن غیری بی
 حس و ادراک ایتیم حاصلی اگر ظاهر اگر باطن جمله

احوال و حلاله اولسون کتیدن ارقالمسون بعد
 داشیخ قدس سره شهود وحدتك بیا نده اولغله
 رؤیتی سمع اوزینه تقدیم ایلدی والایرتیب طبعی
 حسیله عکس لازم ایدی تکیم اهل فهمه مستور
 دکادر * واجهال الجباب الاعظم حیات روحی *
 یعنی فخر عالمی صلی الله علیه وسلم حیات روحی قبل
 یعنی امداد فیضی ایلله وحدیت شریفه کلور انا
 من الله والمؤمنون منی پس بر روح یوقدر که ارل
 روح اعظمیدن مستفاد اولیه وبقا سنده اندن امداد
 بولیه و بو حیات ابدار و حک و نایا بد نکدر بدتک
 حیاتنه اعتبار اولما غله حیاتی روحه مضاف قلدی
 خصوصاً اوقوله حیات عظیمه سبب اولان وجود
 شریفی حیات حقیره وسیله ایتک ابدن خارجدر
 پس اشارت اواندیغی اوزره فخر عالم صلی الله علیه
 وسلم ابوالاواح و حیوة الارواح اولدی انکی چون بعض
 کما ربور مشر در فخر عالم جسد عبسی در علمها
 الصلوة والسلام زیرا حضرت عبسی تفتح روح

القدسین

القدسین و روح القدس نور فخر عالمین صلی الله
 علیه وسلم مأخوذدر قافهم جدا و علم و شهود
 ایلله حیات روح حاصل اولدیغجه انسان
 میت حکمند در زیر حیات روح حیات مقصوده در
 حیات نفس حیوانی بویله دکادر و کلمات فضولی
 می حومده کلور * شهید عشق او اوب فیض بقا کسب
 ایتک خوشدر * نه حاصل یوفاد هرک حیات
 متعارفدن * یعنی شهادتده حیات باقیه واردر که حیات
 فانیه دن افضلدرو بو حیات سببیه در که و منلرو و لیلر
 حقیقه وارد اولمشدر اولیاء الله لایموتون
 ولکن ینقلون من دارالی دارو بعض روایاتده
 اولیاء الله دن بدل المؤمنون دوشمشدر مالی بردر
 زیرا مقصود مؤمن کاملدر بو حیات باقیه سببیه در که
 ابدان کمل تفسیح ایتن زیرا علم حقیقی و شهود حقایقه
 تفسیحی موجب اولان عفوناتدن منفصلدر لمحرره
 جوزیمک استه من ابسک سنده * اوله کور فیض علمه
 زنده * و روحه شرف حقیقی ظاهر اولان بودر که

ما قبلانی پساندر و بیانه و او عا طفه مانع دکلدر زیرا
فی الجملة مغایرت کافیدر تکیم قران کریمده کلور
و لیکن جعلناه نورانهدی به من نشاء من عبادنا
وانک لتهدی الی صراط مستقیم مفسرین
وانک تهدی آیتن هدایت حق تقریر و کیفیتن بیانه حل
ایغشیلردر پس بو مقسامده تقدیر کلام واجعل روح
حجاب الاعظم حیات روحی دسر حقیقتی دیمکدر
اصلی بودر که روح محمدیده ایکی معنی ملحوظدر بری
حیوة الارواح و بری سیر الحقایق اولیق و حقیقتده
حیات ایلله سیر بر در زیر اهر کسده اولان حقیقت محمدیه
حصه سی ذکر اولنان حیات ایلله متحقق اولمشدر
فافهم و جائزدر که روحله مراد روح النبوة اوله
پس معنی دیمک اولور که انک قربتی و ثمره قربت
اولان صفاسنی و شهودینی بنم سیر حقیقتم قبل پس
بو صورتده تقدیر و تأویله حاجت قالمسز فاعرف
* (و حقیقتده جامع عوالمی بتحقیق الحق الاول) *
معلوم اوله که فخر عالمک صلی الله علیه وسلم حقیقتی

اسم اعظمدر زیرا اسم اعظم جمیع اسمایی جامع
اولدیغی کی حقیقت محمدیه دخی جمیع حقایق جامعدر
و حق البقیة حقیقتی و باطنی بو حقیقتده مخصوصدر
عوالمدن مراد عوالم سیرانیه در که او حیون
الشمس بیکدر غیب و شهادتده نزول و عروج امر اتی
چوقدر جمیع عوالمده حقیقت محمدیه نک شهودی
اوزینه دورا یتک ایسه رتبه عظما در انک چون بتحقیق
الحق الاول دیوب تقریده اشارت ایدر زیرا حق اول
تعین اول مرتبه سی اولان هویت ذاتیه در بو مرتبه
حق اول دیدی زیرا اکر علمده و اکر خارجده
اولان مراتب تجلیات بونک تفصیلیدر پس هر فرعنده
اصلی مشاهد ایتک وحدتدندر شجره ده نواة مشاهد
اولندیغی کی فافهم جدا فانه علم جلیل * (یا اول) *
باعتبار السیر نزولا * (یا آخر) * باعتبار ختم السیر
عروجاً * (یا ظاهر) * بحسب النظر الی وجود الحق
* (یا باطن) * بحسب النظر الی وجود الخلق
و بو اسماء اربعه که امهات اسماء الهیه در بوندن غیر

محاسن کثیری دخی وارد در لیکن مقامه ملائم اولان
معانی ایله اکتفا اولندی (* اسمع ندائی بما سمعت به نداء
عبدك زکریا*) یعنی قولك زکریا لك علیه الصلوة
والسلام دعاسنی ایشتد بک سمع قبول ایله بنم دخی
دعای ایشت و ذکر اولان حاجتی روا ایت بعد ذاندا
عبادت قرآنه مساوا فقت ایچوندر تکیم کلور
اذنادی زبیه نداء خفیا والانداء رفع صوتدر و سباحت
حضورده اولان رفع صوتدن ممنوعدر شوقدر وارد که
ندانن مراد د قادر ولیکن مقام عبدیتدن نفسی
تبعید ایدوب نداء لفظی ایله تعبیر ایلدی (* وانصرنی
بك لك*) بکا نصرت ایله نفسم از زبیه منك ایله وسنك
ایچون یعنی بنم مقصودم منصور اولوب سکا و صولدر
ولیکن بکا اولان نصرتی بالذات سن ایله وسن بنم
اموریمه تولی قیل که قوه و نصرت بونده دروسنك ایچون
ایله بنم ایچون ایله زیرا بنم مرادم فناء تامه در فناء
تامه ملا حظات وجودیه قالمزوسکا فوز حاصل او اور
(وايدنی بك لك*) و بی امداد ملکوتی و افاضه لاهوتی

ایله قوای وهمیه و خیالییه بی قهر اوز زبیه تأیید و تقویت
یله تا که نفسم عالم ظلمانه میلدن منجذب اولوب عالم
انواری مشاهده ترقی ایلله و بوسیله استکمال نفس
و استغراق شهود حاصل اوله بوا یسه نور فارق ایلله
او اور یعنی مایذخی و مالا یذخی بی و حقه له مساوی
بری برندن فرق و تشخیص ایدر نور قوی و پرهان جلی
و انشراح صدر و انفتاح قلب کر کرد و بومعنائی دخی
سنك ایچون ایله زیرا مقصود سنك منصور و سنك
یشه سکا مؤید اولمقدرو حدیث قدسیده کلور
خلقت الخلق لیر بحوا علی لا لاریج علیهم فانظر
بالتوفیق تتکون علی طریق التحقيق (* واجمع بینی
و بینك*) یعنی آره دن حجب اکوانی و سبب فرقت
اولان اموری از اله ایدوب جمعیت و شهود احسان ایلله
شیخ افتاده قدس سره پیورر * اهل عرفان دیدیلر سن
چقما بنجه آره دن * بیله مز سن کچمدرر کند و بی پنهان
ایلیان * بوسندن مراد اضافت کونیه درو چمندن مراد
اضافت کونیه بی اسقاطدر پس اضافت کونیه که

وجود و ذات و صفت و فعلك اضاقتدن عبارتدر
ساقط اولیحق پنهان اولان اشکاره اولور یعنی حقیقت
عبدایله هویتك میاننده اولان اعتبارات و اضافات
مضمحل اولوب عاشق معشوقه و محب محبوبه و اصل
اولور و بوجه محب و برازخ رسندن عبارتدر حاصلی
غفلتدر لحرره غفلت دل پرده در دیدار مولانا دینکا*
پرده زائل اولدی ایسه جان کوز یله باقی سکا* (وخل
بینی و بین غیرك) * ما سوایه غیر دیدی زیر احق
اضافیدر من وجه یار و من وجه اغیاردر و مولانا جامیدن
قدس سره سوال اولمشکه چونکه فی الحقیقه
ما سوانك وجودی یوقدر پس دعاده اللهم اشغلنا بك
من سوالك مقاله سنك معناسی ندر جواب ویرمشکه
کاف ذاته اشارتدر یعنی بی ذاتکه مشغول قبل غیر
ذاتدن که صفات و افعالدر و لیکن بوضوح
صفات غیردیمك من وجه در زیر اهل سنت قتنده
صفات باری حقنده لاهو و لا غیر دینمشدر تحقیقی
بودر که اسماء ذاتیه مسمانك عینیدر بواسمادن مراد

عالمه تعلق اولیان اسمادر بواسمایه مفاتیح
اول دیرلر و اسماء صفاتییه حقیقت احدیه
جهتندن مسمانك عینی و صورت و احدیه
جهتندن مسمانك غیریدر و بواسماء صفاتییه مفاتیح
ثوانی دیرلر بواسمانك عالمه تعلق وارددر مفاتیح ثوالت
اولان اسماء افعال کی یعنی اسماء صفاتییه ذاتیه و اسماء
صفاتیه فعلیه بومعناده مشترکدر در اهل کلامك
بحث ایندیکی اسماء صفاتییه در اسماء ذاتیه دکلدر زیر
اسماء ذاتیه نك حقیقتنه اطلاع و شهود تام یکل اولیایه
مخصوصدر لحرره اهل فرق و احتیجاب ایسك اگر*
اولدی صحرای سکا دریادن یقین* ایرمینجه یوشهوده
حقله* اوچه بودر یا کنارندن صقین* (الله الله الله
(تثلیث ایلدی ذات و صفات و افعاله اشارت و حق
اولی بیان ایچون و جا زدر که اولکیسی ایفاظ غافلین
و ابکنجسی تعریف عارفین و اوکنجسی تلذیذ واصلین
ایچون اوله بعدذا بولفظه جلاله اسم اعظمدر که
جمیع اسمایی جامعدر اگرچه که اسماء حسنی نك جمله سی

فی الحقیقه اعظم در و لکن بعض اسماده بعض
 خصایص اعتباریه اسم اعظم دیشلردر حی و قیوم
 دخی بوقیلند در تفصیلی محله نده میبندد * ان الذی
 فرض علیک القرآن لادک الی معاد * (بوص کلامک
 ما قبله مناسبت نامه سی و اردر زیر معاد ایله کرک
 آخرت و کرک مکه مراد اولندون حق رجوعه
 اشارت در زیر کعبه مقام ذاته رمزدر و جا نذر که معاد
 عالم عدمه اشارت اوله بو عالمه رد اولمق ذات وصفات
 واقعا لدن فنا ایله در بوفنا ده خود ذات وصفه فاده
 و افعال حق له بقا و اردر پس حب الوطن
 من الایمان مو جنبه سالک حق بوفنا و بقایه
 طالب اولمق کرکد ر لمجره وطنکدن جدا اولوب
 ای دل * نیجه بر غربت ایلاره دوشه سن * بویضا طفا بی
 طی ایله * سکامهد بقا بی حق دوشه سن * (ربنا آتنا
 من لدنک رجعة وهی لنا من امرنا رشدا) * رجعتدن
 مراد رجعت خاصه در که حکمت و معرفت و توحید
 عزیزدر نتکیم من لدنک اکافرینه در واحد ن مراد

امر محبتدر رشدن اصابت حقدر بعد ذالف ایله
 ختم ایلدی بداء ابتدایی کی زیرا دینلشد که نهایت
 هی الرجوع الی البدایة الف اصلدر همزه مستحذدر
 متحرکی ساکندن تمیز ایچونددر انکچون حروف
 پیچیده همزه یوقدر و الف حقنده کلام عربض و اردر
 محله نده میبندد * ثلث مرات * (سؤال اولنورسه که
 بالاده ذکر اولندیکه فیض الهی اون بر مرتبه دن زول
 اتمکله بر حدیده اون بر صلوات تخصیص اولندی پس
 بور اده اوچه تخصیصک وجهی ندر جواب بودر که
 مراتب کلبه اعتباریه در یعنی عالم ناسوته زول ایدن
 فیض الهی عالم ملکوت و جبروت و لاهوت مرتبه
 لردن در پس مراتب اوزرینه نمشی ایدنلره کار
 روشندر زیر هر فسنه نک بد اینندن نهایتنه
 دک اطوار مختلفه و اردر اگر چه که
 حقیقتده ازل وابد و اول
 و آخر بر در تحت از سالة
 بعون الله الملك
 المعین

تم طبع هذه الشرح اللطيفة على الصلوة الشريفة
بمطبعة باب حضرت سر عسكرية في اواسط شعبان
المعظم سنة ست وخمسين ومائتين
والف من هجرت من له العزة
والشرف

م م

م

قال الشيخ

في كتابه

في

۱۸۰۰
۱۹۰۰
ایمانی عباس
و ظفر

۲۸۵
۲۴۵

۱۸۰
۲۰۰

۲۷۰۰
۱۰۰

۲۸۰
۵۰۰

۳۳۰